

زُنبوبة : ما أنا عارفه
(ترفع صوتها ليسمعا أحمد من الداخل)
أنا عندكم شربات
(تخفض صوتها — كأنها لنفسها)
حبروح منى فين .. أنا وراه والزمن طويل
ضرورى فى يوم يحن .. يلين .. ولا حتى يجوع
(تخرج وهى تدفع عربة الشاي أمامها وتعيد
النقود الى صدرها وتتأود فى مشيتها كأنها واثقة
من المصير الذى سينتهى اليه الفنان)
(يخرج أحمد)

أحمد : خرجت .. سيدة تمثل كل الأشياء السيئة
وكل ما يرفضه الانسان

علام : لا وتعمل عبيطة .. وتقول « وطى يا علام »
« الفلوس قسمة الأرض »

أحمد : بتعمل اغراء

علام : دى حتى فلوسها حرام

أحمد : مرابية جشعة ومصاصة دماء
(علام يقلد مشيتها)

علام : ضرورى فى يوم يرق .. يلين

أحمد : ده أنا ؟

علام : طبعا عينها منك

عين تندب فيها رصاصه
ناس لا عندها ذوق ولا حيا